

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИННИГ ҚАРОРИ

ХОРИЖИЙ ФУҚАРОЛАРНИ ЎЗБЕКИСТОН РЕСПУБЛИКАСИ ТАЪЛИМ МУАССАСАЛАРИГА ЎҚИШГА ҚАБУЛ ҚИЛИШ ВА ЎҚИТИШ ТАРТИБИНИ ТАКОМИЛЛАШТИРИШ ТҮҒРИСИДА

(Ўзбекистон Республикаси қонун ҳужжатлари тўплами, 2008 й., 31-32-сон, 304-модда)

Хорижий давлатлар фуқароларини Ўзбекистон Республикаси таълим муассасаларига ўқишга қабул қилиш ва ўқитиш тизимини такомиллаштириш, шунингдек Ўзбекистон Республикасининг таълим ва фан соҳасидаги халқаро шартномаларини бажариш мақсадида Вазирлар Маҳкамаси қарор қилади:

1. Белгилаб қўйилсинки:

хорижий фуқароларни Ўзбекистон Республикаси таълим муассасаларига ўқишга қабул қилиш Ўзбекистон Республикасининг халқаро шартномалари, шунингдек жамоавий ва якка тартибдаги (шу жумладан, келиш мақсадидан қатъи назар, республикага ҳақиқий визалар бўйича келган хорижий фуқаролар билан тузилган) Ўзбекистон Республикаси Олий ва ўрта маҳсус таълим вазирлиги ҳамда Халқ таълими вазирлиги томонидан белгиланган тартибда олдиндан экспертиздан ва рўйхатдан ўтказиладиган шартномалар ва контрактлар асосида амалга оширилади;

хорижий фуқароларни ўқишга қабул қилиш ва ўқитиш бўйича барча ишларни ташкил этиш, ўқув-методик раҳбарлик қилиш ва мувофиқлаштириш умумтаълим мактабларида — Ўзбекистон Республикаси Халқ таълими вазирлиги томонидан, бошқа таълим муассасаларида — Олий ва ўрта маҳсус таълим вазирлиги томонидан амалга оширилади;

хорижий фуқаролар Ўзбекистон Республикаси таълим муассасаларига тўлов-контракт асосида ҳамда, агар Ўзбекистон Республикасининг халқаро шартномаларида бошқача тартиб назарда тутилмаган бўлса, Ўзбекистон Республикаси фуқаролари учун белгиланган тартибда қабул қилинади.

2. Хорижий фуқароларни Ўзбекистон Республикаси таълим муассасаларига ўқишга қабул қилиш ва ўқитиш тартиби тўғрисидаги Низом иловага мувофиқ тасдиқлансан.

3. Ўзбекистон Республикаси Олий ва ўрта маҳсус таълим вазирлиги Молия вазирлиги ва таълим муассасаларига эга бўлган бошқа манфаатдор вазирликлар ва идоралар билан келишган ҳолда бир ҳафта муддатда Ўзбекистон Республикаси таълим муассасаларига қабул қилиш бўйича Давлат комиссиясига хорижий фуқароларнинг Ўзбекистон Республикаси таълим муассасаларида ўқиганлик учун тўлов миқдорлари ва тартибини, 2008/2009 ўқув йилига хорижий фуқароларнинг олий таълим муассасаларида ўқиганлиги учун тўлов миқдорини ўқитишнинг реал харажатларидан келиб чиқиб, 2 минг АҚШ долларидан 4 минг АҚШ долларигача миқдорда белгилашни назарда тутган ҳолда, тасдиқлаш учун киритсан.

4. Ўзбекистон Республикаси Олий ва ўрта маҳсус таълим вазирлиги, Халқ таълими вазирлиги тегишли вазирликлар ва идоралар билан биргаликда:

хорижий фуқароларни Ўзбекистон Республикаси таълим муассасаларига ўқитиш юзасидан намунавий шартнома (контракт)ларга ўн кун муддатда зарур ўзгартириш ва кўшимчалар киритсинлар;

хорижий фуқаролар учун тил марказларининг зарур даражада ишлаши юзасидан доимий назорат ўрнатсинлар.

5. Ўзбекистон Республикаси Вазирлар Маҳкамасининг «Ўзбекистон Республикасида хорижий фуқароларни ўқитиш тўғрисида» 1994 йил 24 майдаги 266-сон карори ўз кучини йўқотган деб ҳисоблансан.

6. Ўзбекистон Республикаси Олий ва ўрта маҳсус таълим вазирлиги Адлия вазирлиги ҳамда бошқа манфаатдор вазирликлар ва идоралар билан биргаликда бир ой

муддатда Вазирлар Маҳкамасига қонун ҳужжатларига ушбу қарордан келиб чиқадиган ўзгариши ва қўшимчалар тўғрисида таклифлар киритсин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Қосимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2008 йил 4 август,
169-сон

Вазирлар Маҳкамасининг 2008 йил 4 августдаги 169-сон қарорига
ИЛОВА

Хорижий фуқароларни Ўзбекистон Республикаси таълим муассасаларига ўқишга қабул қилиш ва ўқитиш тартиби тўғрисида

НИЗОМ

I. Умумий қоидалар

1. Мазкур Низом хорижий фуқароларни Ўзбекистон Республикаси таълим муассасаларига ўқишга қабул қилиш ва ўқитиш тартибини белгилайди.

2. Хорижий фуқароларни Ўзбекистон Республикаси таълим муассасаларига ўқишга қабул қилиш ва ўқитиш «Таълим тўғрисида»ги Конунга, бошқа қонун ҳужжатларига ва ушбу Низомга мувофиқ амалга оширилади.

3. Хорижий фуқароларни ўқитиш умумтаълим мактаблари бўйича — Ўзбекистон Республикаси Халқ таълими вазирлиги томонидан белгиланадиган, бошқа таълим муассасалари бўйича — Олий ва ўрта маҳсус таълим вазирлиги томонидан белгиланадиган таълим муассасаларида амалга оширилади.

4. Ўзбекистон Республикаси таълим муассасаларида хорижий фуқароларни ўқитиш тегишли таълим муассасаларининг таълим дастурларида назарда тутилган тилларда олиб борилади.

5. Хорижий фуқароларни ўқишга қабул қилиш ва ўқитиш бўйича барча ишларни ташкил этиш, ўкув-методик раҳбарлик қилиш ва мувофиқлаштириш умумтаълим мактабларида Ўзбекистон Республикаси Халқ таълими вазирлиги томонидан, бошқа таълим муассасаларида — Олий ва ўрта маҳсус таълим вазирлиги томонидан амалга оширилади.

II. Ўқишга қабул қилиш тартиби, шартлари ва ўқитиш турлари

6. Ўзбекистон Республикасида хорижий фуқароларни таълим муассасаларига ўқишга қабул қилиш:

а) Ўзбекистон Республикасининг халқаро шартномалари;

б) Ўзбекистон Республикаси Олий ва ўрта маҳсус таълим вазирлиги ва Халқ таълими вазирлиги томонидан белгиланган тартибда дастлабки экспертизадан ва рўйхатдан ўтказиладиган жамоавий ва шахсий шартномалар ҳамда контрактлар (шу жумладан, келиш мақсадларидан қатъи назар республикага ҳақиқий визалар бўйича келган хорижий фуқаролар билан тузилган) асосида амалга оширилади.

7. Хорижий фуқаролар хоҳишларига кўра:

умумий ўрта маълумот;

ўрта маҳсус, касб-хунар таълими;

олий маълумот;

олий таълим муассасасидан кейинги таълим олишлари мумкин.

8. Хорижий фуқаролар Ўзбекистон Республикаси таълим муассасаларига тўлов-контракт асосида ҳамда, агар Ўзбекистон Республикасининг халқаро шартномаларида бошқача тартиб назарда тутилмаган бўлса, Ўзбекистон Республикаси фуқаролари учун белгиланган тартибда қабул қилинади.

9. Ўзбекистон Республикаси таълим муассасаларида тўлов-контракт асосида ўқиш қиймати Ўзбекистон Республикаси Молия вазирлиги ва таълим муассасаларига эга бўлган бошқа вазирликлар ва идоралар билан келишган ҳолда Олий ва ўрта маҳсус таълим вазирлигининг таклифи асосида Ўзбекистон Республикаси таълим муассасаларига қабул қилиш бўйича Давлат комиссияси томонидан белгиланади.

10. Ўрта маҳсус, касб-хунар таълими муассасаларига умумий ўрта таълим маълумотига мувофиқ бўлган маълумотга эга бўлган хорижий фуқаролар қабул қилинади.

11. Олий ўкув юртларига умумий ўрта ёки ўрта маҳсус, касб-хунар таълими маълумотига мувофиқ бўлган маълумотга эга бўлган хорижий фуқаролар қабул қилиниши мумкин.

12. Хорижий фуқаролар олий ўкув юртларига кириш тест синовлари натижаларига кўра қабул қилинади.

Хорижий фуқароларнинг тест синови топшириши учун рухсатнома Ўзбекистон Республикаси Олий ва ўрта маҳсус таълим вазирлиги томонидан берилади.

Тест синовлари натижалари Ўзбекистон Республикаси таълим муассасаларига қабул қилиш бўйича Давлат комиссияси томонидан кўриб чиқилади ҳамда Олий ва ўрта маҳсус таълим вазирлигининг хорижий фуқароларни олий ўкув юртига ўқишга қабул қилиш юзасидан қарор қабул қилиши учун асос ҳисобланади. Ўзбекистон Республикаси Олий ва ўрта маҳсус таълим вазирлиги қарори асосида олий ўкув юртлари ўқишга қабул қилиш тўғрисида тегишли буйруқ чиқарадилар.

13. Ўзбекистон Республикасининг аспирантураси ва докторантурасига олий маълумотга мувофиқ бўлган маълумотга эга бўлган хорижий фуқаролар қабул қилиниши мумкин.

Аспирантурага кирувчи хорижий фуқаролар Ўзбекистон Республикасида белгиланган талабларга мувофиқ тайёрланган реферат ёки эълон қилинган ишларининг расмий равища тасдиқланган рўйхатини тақдим этишлари керак.

14. Ўзбекистон Республикаси Ички ишлар вазирлиги Ўзбекистон Республикаси Олий ва ўрта маҳсус таълим вазирлиги буюрманомасига биноан, белгиланган тартибида хорижий фуқароларга визалар бериш ва уларнинг муддатини узайтириш, шунингдек уларнинг вақтинча яшаш жойи бўйича вақтинча рўйхатдан ўтказишни ва унинг муддатини узайтиришни таъминлайди.

15. Ўқиши тутатгандан кейин хорижий фуқароларга маълумоти тўғрисида белгиланган намунадаги тегишли ҳужжатлар берилади.

16. Хорижий фуқаролар ўқиш даврида ушбу Низомнинг [6-бандида](#) кўрсатилган шартномалар ва контрактларда назарда тутилган ҳолларда Ўзбекистон Республикасига оила азолари ва бошқа қариндошлари билан келишлари мумкин.

17. Ўқиши учун келган хорижий фуқаролар тиббий текширувдан ўтадилар. Тиббий текширувдан ўтиш тартиби ва мавжудлиги аниқланган тақдирда Ўзбекистон Республикаси таълим муассасаларига ўқишга қабул қилиш учун рухсат берилмайдиган касалликлар рўйхати Ўзбекистон Республикаси Соғлиқни сақлаш вазирлиги томонидан белгиланади.

III. Ҳужжатларнинг рўйхати ва уларни тақдим этиш тартиби

18. Хорижий фуқаролар Ўзбекистон Республикаси таълим муассасаларига ўқишига кириш учун тегишли таълим муассасасига қўйидаги ҳужжатларни тақдим этадилар:

ўқишига қабул қилиш ҳақида ариза;

ўрганилган фанлар ва улар бўйича имтиҳонларда олинган баҳолар (баллар) кўрсатилган маълумоти ҳақида ҳужжатларнинг асл нусхалари ва нотариал тасдиқланган нусхалари;

реферат ёки эълон қилинган ишларнинг расмий равища тасдиқланган рўйхати (аспирантурага кирувчилар учун);

соғлиғи тўғрисидаги тиббий хулоса;

миллий паспорт (амалдаги визаси билан) ёки туғилганлик ҳақида гувоҳнома;

4 x 6 см ўлчамдаги 6 та фотосурат.

Хужжатларни тақдим этиш ва кўриб чиқиши тартиби Ўзбекистон Республикаси Олий ва ўрта маҳсус таълим вазирлиги ва Халқ таълими вазирлиги томонидан тасдиқланадиган йўриқномага мувофиқ белгиланади.

IV. Тайёрлов ўқуви

19. Олий ва ўрта маҳсус, касб-хунар таълими муассасаларига, аспирантурага, адъюнктурага, докторантурага ўқишига киришни хоҳловчи, ўзбек ёки рус тилини билмайдиган хорижий фуқаролар Ўзбекистон Республикаси Олий ва ўрта маҳсус таълим вазирлиги томонидан белгиланадиган тегишли муассасаларда ўқитилади. Ўзбек ёки рус тилини Ўзбекистон Республикасидан ташқарида ўрганган хорижий фуқароларга ўқишига кириш учун йўлланмалар уларнинг тилни билишлари бўйича Ўзбекистон Республикаси Олий ва ўрта маҳсус таълим вазирлиги томонидан белгиланадиган тартибда баҳоланганидан кейин берилади.

20. Умумтаълим мактабларига ўқишига кираётган хорижий фуқаролар, зарурат бўлганда Ўзбекистон Республикаси Халқ таълими вазирлиги томонидан белгиланадиган тартибда, ўқиётган жойида тил ўрганиш бўйича тайёргарлик курсини ўтайдилар.

21. Тил ўрганиш бўйича тайёргарлик тугагач имтиҳонлар ўтказилади. Имтиҳонларни муваффақиятли топширган хорижий фуқароларга белгиланган намунадаги гувоҳнома (сертификат) ва ўқишига йўлланма берилади. Ўқиш даврида зарур умумтаълим билимларини эгаллай олмаган ва тил ўрганишга бўлган лаёкатини намоён қила олмаган хорижий фуқароларга ўқиши учун йўлланма берилмайди ҳамда улар рўйхатдан чиқарилади.

V. Ўзбекистон Республикасида таълим олаётган хорижий фуқароларнинг хуқуқ ва мажбуриятлари

22. Хорижий ўқувчилар қуидаги хукуқларга эга:

кафедраларнинг илмий-тадқиқот ишларида, талabalарнинг илмий жамиятлари ва тўгаракларида қатнашиш;

таълим муассасаларининг кутубхоналари, спорт комплекслари, клублари ва маданият саройларидан фойдаланиш;

дам олишнинг уюштирилган турларида қатнашиш.

23. Хорижий ўқувчилар қуидагиларга мажбур:

Ўзбекистон Республикаси [Конституциясига](#) ва бошқа қонун хужжатларига амал қилиш, маҳаллий урф-одат ва анъаналарга хурмат билан муносабатда бўлиш, республикада хорижий фуқароларнинг бўлиши ва ҳаракатланиши бўйича белгиланган қоидаларни бажариш;

интизомга риоя қилиш, машғулотларга қатнашиш, ўқув режалари ва дастурларида назарда тутилган ўқув ва ишлаб чиқариш ишларининг барча турларини бажариш, имтиҳон ва синовларни белгиланган муддатларда топшириш;

таълим муассасасининг ва талabalар ётоқхонасининг ички тартиб-коидаларини бажариш;

таълим муассасаси раҳбарларининг кўрсатма ва фармойишларини бажариш.

24. Ўқиша ўзлаштираслик, интизомни, таълим муассасаси ва талabalар ётоқхонасининг ички тартиб-коидаларини бузганлик учун, шунингдек Ўзбекистон Республикасининг норматив-хуқуқий хужжатларида назарда тутилган бошқа сабабларга кўра хорижий ўқувчиларга нисбатан таълим муассасаси рўйхатидан чиқариб юборишгacha бўлган маъмурий чоралар кўрилиши мумкин;

Ўзбекистон Республикаси худудида бўлиш қоидаларини бузганлик учун улар белгиланган тартибда республикадан ташқарига чиқариб юборилади.

Ўқиш учун келган хорижий фуқароларнинг зарур маблаглари бўлмаган тақдирда уларни Ўзбекистон Республикасидан чиқариб юбориш бўйича харажатлар тегишли таълим муассасаси томонидан амалга оширилади.

25. Ўзбекистон Республикаси худудида жиноят содир этган хорижий фуқаролар, агар Ўзбекистон Республикасининг халқаро шартномаларида бошқача қоида назарда

тутилмаган бўлса, Ўзбекистон Республикаси қонун хужжатларига биноан жавобгарликка тортилади.

26. Ўқишни тугатган ёки таълим муассасалари рўйхатидан ўчирилган хорижий фуқаролар бир ой муддатда Ўзбекистон Республикасидан чиқиб кетиши шарт, Ўзбекистон Республикасининг халқаро шартномаларида, шунингдек жамоавий ва шахсий шартномалар ҳамда контрактларда назарда тутилган ҳолатлар бундан мустасно.

27. Таълим муассасаларида ўкув йили 2 сентябрдан бошланади. Таътилларнинг бошланиш ва тугаш вакти, уларнинг давом этиш муддати муайян таълим муассасасининг ўкув режаларига мувофиқ белгиланади.

VI. Хорижий фуқароларни ушбу Низом билан таништириш тартиби

28. Ўзбекистон Республикаси таълим муассасаларига ўқишга кириш истагини билдирган хорижий фуқаролар мазкур Низом билан таништирилиши ва улар Низом талабларини бажариши тўғрисида ўз мажбуриятларини ёзма равишда тасдиқлаши керак.